



Anna Wangenheim
Inatsisartunut Ilaasortaq, Demokraatit

§ 37 naapertorlugu apeqqummut nr. 145/2021 akissuteqaat

Inatsisartut Suleriaasianni § 37, imm. 1 naapertorlugu Naalakkersuisunut apeqquteqarsimavutit. Naalakkersuisut apeqqutit qujassutigaa, apeqqutillu ataani uteqqinneqarlutillu akineqassaput.

1. Naalakkersuisut nassuiarsinnaavaat innersuussisarnermut piumasaqaatit atuuttut malillugit, kikkut kigutitut narlorsaatinik katsorsarneqar-nissaminut neqeroorfigineqarsinnaanersut?

10-11-2021
Sagsnr. 2021 - 19110
Akt nr. 18321161

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Akissut:

Ukiumi atuarfiusumi 21/22 Nuummi 5. klassimi atuartut tamarmik kigutilerisumik immikkut ilisimasalimmik nalilersorneqassaput, tamatumani ilaatigut kigutininik narlorsaanissamat neqerooruteqarsinnaanissaq siunertarineqarpoq. Innersuussinermi innersuussinissamat tunngaviusut tulluuttut aallaavigineqassaput:

1. Kiguserfiup qulliup kiguserfimmut allermut annertuumik qalliisarnera, taamaalillunilu kiguserfimmi qullermi kigutit saarliit tunuini imaluunniit kiguserfimmi allermi kigutit saarliit saavani ikkiup ikeqalerneranik pilersitsisartut. 75 %-it sinnerlugit kigutit saarliit illumut sammisut tamatumalu kingunerisaanik malunnartumik nalinginnaangitsumik nungullariartortitsisut.
2. Kiguserfiit qulliit annertuumik, 6 mm-inik annertunerusumik salliuallaartut + qarlumut qullermut attuussaattartunik qullernik kigutilerfillit/oqqamikku naqsimaneqartut.
3. Kiinermi erlippaakkut taamaallaat kiisartunik kigutillit.
4. Imminnut kallussaattunik kigutillit, kigutininik equjartortitsisunik kigutillit 2,1+1,2.
5. Sanimut/ilummulluunniit ersarissumik equsumik kiisartut.
6. Kigutit kukkusumik inissisimasut/inissinnerloqqasut (matumani kigutaarsinnissaq tulluurtumik aqqiissutaasinnaanani).
7. Kigutit suli puttussuutinngitsut (kigutit saarliit tularissallu).
8. Kigutit annertuumik kukkusumik inissisimasut (ersarissumik inissakillioortut, tassa minnerpaamik kigutip ataatsip silissusaanik annertutigisumik inissakillioortut, assersuutigalugu kigutit kigutip inissimanerluttup akornanniittut qanittuaraanerat) amerlanertigut kigutaarsinnermik katsorsarneqartartut.
9. Kigutininik narlorsaanerq/pilaasarneq ataatsimut neqeroorutigineqanngillat.
10. Kigutininik narlorsaanermut atatillugu kigutaasanik neqerooruteqartoqanngilaq.

Kigutit atortarnerini kigutininik narlorsaanissamat pisariaqartitsisoqavikkaangat inner-suussisoqartarpoq. Tassa imaappoq isikkorinnissaq pillugu kigutit narlorsarneqarneq

ajorput. Kigutitik narlorsaanissamik aallartitsinissamut Nunatsinni kigutigissaasoqarfimmi kigutit alleqqullu narlorsarnerini kigutilerisoq immikkut ilisimasalik aalajangiisarpoq. Narlorsaanerup aallartisarneqannginnerani angajoqqaat meerarlup eqatigalugit narlorsaanissamut kissaatit, suleqatigiinnissaq qanermillu eqqiluutsuutitsineq pillugit nalilersuisoqartarpoq.

- a. **Naalackersuisut Peqqissutsimullu aqutsisut akornanni oqaloqatigiittoqarsimava, uani aamma Kigutit Nakorsaanerat, uuma politikikkut suliniutissatut kissaatigisap piviusunngortinnera pillugu?**

Akissut:

Aap, suliniutip piviusunngortinnera pillugu oqaloqatigiittoqarnikuuvoq.

- b. **Decembarimi 2020 Naalackersuisut neqeroorfigineqarnissamut piumasagaatit nalunaarutigineqarnerisa kingorna allanngortoqarsimava? Akissut tunngavilersoqquneqarpoq.**

Akissut:

Narlorsaanissamut neqerooruteqartarneq aallarteqqinniarlugu december 2020-mi aalajangiineq tunngavigalugu kigutitik narlorsaarnermut innersuussisarnermi tunngavittut ileqqussanngortinneqartut suliarineqarnikuupput.

Innersuussisarnermut tunngaviit pillugit itinerusumik nassuiaat qulaani apeqqut 1-imik akissuteqarnermi takuuk.

- c. **Meeqqat qassit kigutitut narlorsaatitik neqeroorfigineqarsimappat, januar 2021 aallartinnerani neqerooruteqaqqittalernerup kingorna?**

Akissut:

Utaqqisuni allattorsimaffimmiinnikut misissorneqarnikummat meeqqallu innersuunneqareerlutik, 01.01.2021 sioqqullugu kigutitik narlorsaanerik aallartitsisoqarnikuuvoq. Maannakkuugallartoq meeqqat 25-t missaat kigutaat narlorsarneqarput. Meeqqat taakku ilaat 01.01.2021 sioqqullugu aallartippat ilaallu 2021-mi aallartillutik.

01.10.21 aallarnerfigalugu Nunatsinni Kigutigissaasoqarfik kigutit alleqqullu narlorsarnerini kigutilerisumik immikkut ilisimasalimmik kigutitik narlorsaanerik suliaqartumik aalajangersimasumik atorfinitsitsivoq. Neqeroorummut meeqqat innersuussisarnermut tunngaviit naapertorlugit pisariaqartitsisut kiisalu piumasagaatit allanik soorlu qanermik eqqiluutsuutitsinermit naammassinnittut ilaapput.

5. klassimi atuartut 200-t missaanniittarput, taakkunani 20 %-it missaat kigutitik narlorsaanissamut neqeroorfigineqartassasut naatsorsuutigineqarput.

2. **Kigutit alleqqullu narlorsarneritut tunngasumik Aningaasanut Inatsimmi atuisimanermit Naalackersuisut nassuiaateqarsinnaappat?**

Akissut:

2021-mi maannakkumut kigutit alleqqullu narlorsarnerinut tunngasunik aningaasanut inatsimmi kontomi aningaasat tulliuuttut atorneqarput. 02.11.2021 naatsorsuisoqarpoq.

Suussuseq:	Atuineq:
Akissarsiat	411.000 kr.
Avataanit ikiuineq	434.000 kr.
Nioqqutissanik pisineq	134.000 kr.
Angalanerit (2021-mi ukiup affaani siullermi siunnersortit angalaneri kiisalu 1/10/21 aallarnerfigalugu kigutilerisup immikkut ilisimasallip atorfininnerminut atatillugu angalanera)	148.000 kr.
Katillugit	1.127.0000 kr.

Kigutit alleqqullu narlorsarnerinut kigutilerisoq immikkut ilisimasalik atorfinitsinneqaqqammertoq kontomit tassannga akissarsiaqartinneqarmat, kontomi aningaasartuutit qaffannissaat naatsorsuutigineqarpoq. Meeqqat amerlanerusut kigutaasa narlorsartinneqarnissaannut innersuunneqartarnissaat ilutigalugu kigutit narlorsarneqartarnerinut aningaasartuutit tamatuma saniatigut qaffakkiartussapput.

- a. **Naalackersuisut suliniutit suut aallartinniarpaat, siunertamut aningaasanut inatsimmi aningaasat qilersorsimasut atorneqarnissaat qulakkeerniarlugu?**

Akissut:

Kigutinik narlorsaanermik suliaqarnermut sulisunik nutaanik amerlanerusunik atorfinitsitsisoqarnikummat Naalackersuisut aningaasat siunertamut atorneqassasut naatsorsuutigaat.

- 3. **Iluoorpa, nunatsinni piffiit ilaanni pisortat kigutigissaasuinit kigutit sorlaannik suliarinnittarneq neqeroorutigineqartarunnaarsimasoq? Akissut tunngavilersoqquneqarpoq.**

Akissut:

Nunatsinni Kigutigissaasoqarfimmi kigutit sorlaannik suliarinnittarneq pillugu neqeroorut allannguiffigineqarnikuunngitsaq Naalackersuisut ilisimatitsissutigisin-naavaat. Iluatsilluartumik naammassinissamut piumasaqaatit eqquutinneqarpata kigutit sorlaannik suliarinnittarnerit aallaavittut kigutileriffinni tamani neqeroorutigineqartarput. Suliarinninnissamut neqeroorut iluarsinissamut missingersoreeraanni, kigutit allat qanoq issusaat, qanermik eqqiluisaarneq aamma Nunatsinn Kigutigissaasoqarfimmi iluutsit atorneqarsinnaasut allat aallaavigalugit nalilersorneqartarpoq. Suliaritinnerup kingorna iluarsisoqarnissaanut missingersuisoqanngippat, tamanna ilaatigut isumaqarsinnaavoq, kigutip sorlaannik suliaritinnermut taarsiullugu kigutip peerneqarnissaata neqeroorutigineqarnera. Tassunga atatillugu immikkoortut ilaanni ataasiakkaani ilaatigooriarluni iluaqtissat pissutigalugit erlippanni angisuuni sorlaat suliaritinnissaannut neqerooruteqartoqarsin-naaneq ajorpoq. Qaqutigoorporli suliaritinnerup iluatsilluarnissaanut missingersorneqar-nera. Iluatsinnissamut

ilimanaateqaraangat aallaavittut erlippanni minnerni, tuloressani aamma siuani sorlaat suliarineqarnissaat neqeroorutaajuaannarpoq.

4. Sulisoqarniarneq sulisullu aalaakkaanerat (sulisut nikerarnerat) qanoq isikkoqarpa pisortat kigutileriffianni?

Akissut:

Maannakkorpiaq kigutilerisutut atorfiit tamarmik inuttaqarput. Peqatigitillugu Nuna tamakkerlugu kigutigissaasoqarfimmi 2022-mut kigutilerisutut atorfinnut qinnuteqartarnerit pitsaasuusut misigaat.

Kigutilerisutut atorfiit 30-t akornanni 18-it aalajangersimasumik atorfeqarput, sisamat ukiumi ataatsimi atorfeqarput, marluk ukiup affaani atorfeqarput, kigutilerisut sinneruttut qaammatini 3-4-ni atorfeqarlutik. Maannakkorpiaq kigutilerisunik qaammatit pingasut ataallugit sivilisussuseqartumik atorfinitsitsisoqarneq ajorpoq.

2021-mi septemberip aallaqqaataani kigutigissaasutut ilinniartut qulit ilinniagartik naammassivaat taakkunani amerlanerit Nunatsinni Kigutigissaasoqarfiini kingorna atorfinitsinneqarput. Kigutigissaasutut atorfiit ilaatigut ikiortinik ilinniarsimannigitsunik inuttalerneqartarput. Maannakkut kigutigissaasutut ilinniartut 15-iupput, 2022-mi ilinniakkaminnik naammassinnittussat. Tamarmik Nunatsinni Kigutigissaasoqarfiani atorfimmik neqeroorfigineqarnissaat naatsorsuutigineqarpoq, sulisullu akornanni aalaakkaaneq nalinginnaasuuvoq.

a. Naalackersuisut nassuiarsinnaavaat, suliffik pitsaasoq qanoq ilillugu qulakkeerneqarsinnaanersoq?

Akissut:

Immikkoortuni tamani nunatsinni kigutit nakorsaattut aqutsisut, ulluinnarni ingerlatsinermik aqutsinermillu akisussaaffeqartunik atorfeqartoqarpoq. Tamatumunnga ilaatigut ilaapput suliffimmik nalilersuinernik malittareqqiineq. Kigutileriffiit qaammammoortumik sulisunut ataatsimiisitsisarput, tassani ilaatigut suliffimmi pissutsit eqqartorneqartarlutik. MED-ataatsimiinnernik qarasaasiakkut ingerlatsisoqartarpoq, tassani sinnisut immikkoortunik nassiussisinnaallutik. Ataatsimiinnermit imaqarniliamik kingornatigut nassiussisoqartarpoq. Immikkoortuni tamani suliffimmi pissutsit pillugit sinnisoqarpoq. Kigutilerisut qullersaat immikkoortuni ukiumoortumik tikeraartarpoq. Tamatuma saniatigut Kigutilerisut qullersaat attavigineqarsinnaajuaannarpoq, najukkamilu aqutsisut suleqatigalugit unammillernartuusinnaasut iliuuseqarfigineqartarlutik. Immikkoortuni pikkorissaanernik attuumassuteqartunik neqerooruteqartoqaraangat sulisut pikkorissaanernut taakkununnga peqataanissamut neqeroorfigineqartarput.

b. Nunatsinni pisortat ingerlataanni kigutilerisut periarfissaqarpat, sapaatip akunneranut sivikinnerusumik sulisinnaanerannut, soorlu peqqinnissaqarfimmi peqqissaasut sulisut ilaatigut sapaatip akunneranut 36 tiiminik sulinissaminnut periarfissaasoq? Taamaattoqarsimappat, qassimmita taamatut isumaqatigiissuteqarlutik atorfeqarpat?

Akissut:

Kigutilerisut suliffimmut isumaqatigiissuteqarsinnaapput piffissap ilaannaani atorfeqarnissamut tak. Naalakkersuisut Kalaallillu Nunaanni kigutilerisut kattuffiata akornanni isumaqatigiissummi §4. Immikkut nalilersuineq apeqqutaalluni piffissap ilaannaani atorfeqarnissamut isumaqatigiissuteqartoqarsinnaavoq. Tamanna isumaqatigiissutini piffissap ilaannaani atorfeqarnissamut periarfissaqartitsisuni tamanut atuuppoq.

Maannakkuugallartoq Nunatsinni Kigutigissaasoqarfimmi kigutilerisut pingasut piffissami sivikinnerusumi sulisarput.

c. Nunatsinni pisortat ingerlataanni kigutilerisutut sulissagaanni piumasaqaataava sapaatip akunneranut minnerpaamik 40 tiiminik sulisoqassasoq?

Akissut:

Nunatsinni Kigutigissaasoqarfik, pisortani kigutilerisutut atorfeqartut sapaatip akunneranut minnerpaamik 40 tiimini sulisarnissaat piumasaqaatigineqanngilaq. Piffissap ilaannaani sulisarnissamut isumaqatigiissutit sulisup kissaataa naapertorlugu naliliinermik tunngaveqartarput, aamma kigutileriffiup ingerlanissamut pisariaqartitsinera inissaqartitsineralu il.il. eqqarsaatigineqartarput.

Apeqqut 4b-mut akissummi paasisaqarnerugit.

Inussiarnersumik inuulluaqqusillunga

Med venlig hilsen



Kirsten Fencker